

h. 100, 27.

X 200 5130

7163

II

Y b
526

M. ABRAH. GENSREFFII, P. L.
PASTORIS ET SUPERINTEN-
DENTIS FRIBERGÆ,

CARMEN SECULARE,

conf. p. 883.

*Cum AUGUSTANA CONFESSIO Na-
talem celebraret Centesimum &*

JUBILÆUM I.

At

CHRISTIANUM

CL. LO. CXXX.

Reverendos, pietate & doctrina conspicuos viros,
Dominos COLLEGAS, PASTORES & DIACONOS
DIOECES: FRIBERGENSIS, Amicos & Fratres suos in
CHRISTO dilectos & honorandos ad solennem FE-
STI JUBILÆI celebrationem, 25. 26.

& 27. d. Jun. suscitans.

Fribergæ Hermundororum, Typis Georgij Hoffmani.



AUGUSTE dies salve, venerabilis orbe
 Christiadum salve, quo non *augustior* ullus
 Splenduit hoc seculo, lux ô *augusta* beatum
 Sparge diem meliore coma, qua luce refulsit
AUGUSTANA sacrâ **CONFESSIO**, non nisi sacra
 Quæ gerit, & folijs sacris & semine læti
 Turgescens, & ovantibus ebria plausibus, auris
 Jubila diffundens, dio cor percutit cæstro,
 Ardua percussum secum super æthera raptat,
Augustamq; viam stringit, qua calle salubri
 Itur ad *augustum* verum stellantis Olympi,
 Triste per *angustum*. Segni mens surge veterno,
 Et veteres tabulas oculorum lumine lustra,
 Ingemina plausus, animæ prælargus, anhelet
 Quos pulmo, resona grates, nomenq; Jehovahæ
 „Tolle. Decet, veteris stet ut in te gratia facti,
 O *Auguste* liber, radio dignissime Solis
 Conscribi, te cara manus, manus illa **LUTHERI**,
 Æmula quæ **PAULI**, nobis dedit; ista rubentem
 Matre velut, cinxit cute, carne, colore **PHILIPPI**,
 Sic Ecclesiola, quæ **CHRISTO** tracta, volente.

Tu



» Tu succi plenus stillantis ab arbore sancta.

» Tu capis angusto verborum multa rotatu,

» Tu, quid sit verum falsumq;, quid utile, quid non;

» Plenius ac melius prægrandi codice dicis.

Tu procerum manibus caluisti, ritè per aures

Cæsaribus ivisti magni, magniq; Senatus

Imperij, lectoq; palam te voce sonora,

Defixis oculis, animis, & corpore toto

Auditor stupuit miratus plasmata lingvæ

Mendacis, malè quæ fœdavit dogma LUTHERI.

Ergò peregriñas migrare doceris in oras

Et lingvas, ala solvi metuente levatus,

Ocyor & milvis, & pennis ocyor Euri.

» Sancte liber, quamvis nævo sis liber ab omni;

» Multa tamen passus, nigri rubigine dentis

Lives, suffusi succo loliginis atræ

Allatrant carpuntq; tuæ præconia famæ.

Hic agitans tumidum ventis DAVENTIRA ventrem,

Hic HOFFMEISTERUS CHRISTI malè notus in aula,

Squallidus & mico COCHLEUS, FABRITIUSQUE

Dedecoris faber ipse sui, VIRVESIUS ore

Et calamo non vir, pistrino dignus opaco

PISTOR, te cujus rugosa ciconia pinxit

A tergo, BELLUM spirans simul ARMA MINASq;,

Et qui tam pingvi macer est HAGERUS in arvo,

Ac plures alij, ventorum flamine pleni,

Qua data porta ruunt, & sesquipedia verba
 Efflantes, foliumq; tuum, folioq; notata
 Verba DEI summi nimboſo turbine perflant.
 „Sed fruſtrà. quia mortalis ſine viribus ira
 „Vana manet contra Superum ſuperiq; volumen.
 Excipiunt plauſu populi, plauſuq; vehentes
 Exceptum, duplices tendunt ad ſidera palmas,
 Et grates ſolvunt pro tanto munere Jovæ.

O *auguſte* liber, liber ô *auguſte*, manebit
 Semper honos nomenq; tuum, tibi cuspide dira
 Spicula vaniloqui nihil evibrata nocebunt.
 „Quis prohibere poteſt Soli, ne luceat orbi?
 „Quis prohibere poteſt Lunæ, ne temperet orbem?
 „Et quis, ne lux ſis, & per te luceat orbis?
 „Te nemo culpât, qui Biblia laudat & ardet.
 „Te nemo laudat, qui Biblia culpât & odit.
 „Sunt, qui te timidi percellunt verbere linguæ,
 „Cordibus in quorum pompa meliore triumphas.

Candidiore diem FRATRES ſignate lapillo,
 Quod felix fauſtumq; ſit, hęc CENTESIMUS ANNUS,
 Curſibus emeritis, per tot discrimina rerum,
 Auspice, finitur, CHRISTO, liber aureus ex quo
 AUGUSTÆ per BETERI fuit ora locutus.
 Conticuere viri, ſua protinus ora tenebant
 Intenti. CAROLUS, CÆSAR ſuper æthera notus,
 Auribus arreçtis, devota mente, ſedebat.

Flos

Flos procerum regni pendebat ab ore legentis.
 Elector, Saxo, J O H A N N E S, filius ille
 J A N U S F R I D R I C U S, parilis pietate G E O R G U S
 M A R C H I O, nec non E R N E S T U S, F R A N C I S C U S &, ambo
 L Ü N E B U R G E N S E S, Princeps V V O L F G A N G U S Anhalti,
 N O R I M B E R G E N S I S, R E U T L I N G E N S I S Q V E S E N A T U S,
 Dulcia seclusis agitabant gaudia curis,
 Quod tandem Verum Falsum non esse probetur,
 Sancta q; Relligio, nunc obsidione soluta,
 Pro se, proq; suis cultoribus ora resolvat,
 Corda q; discussis tenebris fulgore serenet.
 Nec spe suspensos spes frustrabatur inanis.
 Nam licet indignans fremeret cum murmure magno
 Turba, tamen mollit mentes & temperat iras
 Sceptra tenens Cæsar, Procerumq; tremenda potestas,
 Per quorum sparsæ vibrantur pectora flammæ
 Mox sacros ignes in raptâ mente daturæ.

Audit, & irarum flagranti fluctuat æstu
 Inclemens C L E M E N S, violenta q; fulmina torquet,
 Fulmina torta quidem, sed non habitura paventes.

Interea volat, acquirit viresq; volando,
 Plena q; divino se flamine tollit in auras,
 Desuper & spectans subjectæ climata terræ,
 Descendit nidosq; suos, requiemq; beatam
 Invenit, & requiem donat C O N F E S S I O S A C R A.

Non tulit hanc speciem furiata mente Papale

) (3

Agmen

Agmen, & ut venti, dum miscent prælia, fundo
 Æquora salsa cient, sic illud corda potentum,
 Donec MAURITIUS, caput insuperabile bello,
 Et zelo CHRISTI flagrans, incensus ab alto,
 Huic libro pacem, pacem nobisq; paravit.
 Venit ad *augustum* fidei Confessio nostræ
 AUGUSTO DUCE, CHRISTJANISq; regentibus, omnis
 CHRISTJANUS credens CHRISTJANE vixit in illa.
 Et nunc sub RUTA JANI fovet umbra GEORGI,
 Rodere vulnifico quam vermes dente laborant.

Hic est, cui plausu cordis salit abdita vena,
 Hic est, hic, animat qui nos ad júbila læta,
 Hic est, nobiscum qui júbila mittit ad astra.
 Jubilet omnis homo: lux hæc sibi júbila poscit,
 Clangoremq; tubæ, lituos & tympana pulsa,
 Organa templorum follis turgentia flatu,
 Tibia quos hilari dat acuta tremore, sonores,
 Panduram, blandè quæ garrula, quiq; canore
 Erranti mulcent, nervos testudinis æquos,
 Et genus omne mele, nec non, cum chromate misto
 Et Symphoniacis modulis flectentibus aures,
 „ Harmonicos sonitus. Vox aurea sidera pulset:
 „ Vox quæ non temere ludit pennata per auras,
 „ Sed precibus, votis, flammataq; laudis ab igne.
 „ Non vox sed vocis filo pendentia vota,
 „ Non clamor, sed amor, non chorda, sed intima corda

JUBILA

„JUBILA sunt SECLI, cor amantis, in aure Jehovah.

Lux ubi frugiferi JUNI VICESIMA QUINTA

Purior aureolis incendet crinibus orbem,

JUBILA suggesto Mystæ fundantur ab alto,

JUBILA quæ resonent; hæc, hæc sanctissima lux est,

Omne quâ fausto circumfluus Annus in annos

Centenos fluxit per lucida sidera Mundi.

Lux hæc, quâ lucem vidit CONFESSIO sancta

AUGUSTÆ: celebrate diem, celebrate sequentes.

„Ut sanctè; niteant lustratis pectora fibris,

„Fumet acerra precum, vitula faciatq; labellum

„Cœlesti Regi, tenebras exosus inertes,

Hunc nobis librum cœli qui misit ab axe,

Demissum clypeo fidus protexit ahenò.

Depositum sanctum tempus conservet in omne.

Hôc DEUS irradiet spissa caligine merfa

Pectora, cœcutiant sudo ne lumine Solis.

Si renuent, pereant, quia tanta lubido perire.

Res DEUS, in nova, collapsas Germanidos oræ

Cardine restituat converso. Limina JANÏ

Ferrea belligeri compescant munera pacis,

„Jurataq; sua CONFESSIO pace fruatur.

„Eheu peccatum! vastator acinace Turca

„Ex rapto tutus vivit, gens dedita CHRISTO

„In sua mortiferas convertit viscera dextras,

„Seq; litare putat pars maxima Relligioni,

Relligio



Religio regione sua si vera fugatur.

Cætera, quæ peragenda sacro sunt munia Festo,
Adjuncti vos Mandati pia verba docebunt,
Ex aula quod miserunt plaudentibus alis

METZSCHUS, HOEADES, CÖPPELUS, STRAUCHUS & HELF-
ENSIFERI qui sunt hîc os calamusq; fidelis, (RICH.
ENSIFERI, manibus gladium, sed pectore CHRISTUM
Qui fert, & puri purissima dogmata verbi.

VIVAT hic, ah VIVAT, CONFESSIO VIVAT in illo,
VIVAT & in nobis, benè sic vivemus in illa,
VIVET & in nobis CHRISTUS, qui VITA, per illam,
Æternum sic cum CHRISTO vivemus ab illa.

F I N I S.



h. 100, 27.

M. ABRAH. C.
PASTORIS
DENT
CARMEN
Cum AUGUS
talem cele

CHI
Reverendos, pietat
Dominos COLLEGA
DIOECES: FRIBER
CHRISTO dilecto
STI JUBIL
& 27

Friberg & Hermund

7183
II
Y b
526

conf. p. 883.

